



ЎЗБЕКИСТОН RESPUBLIKASI SUV XO‘JALIGI VAZIRLIGI HAY‘AT QARORI

2023-yil 17-iyul

№ 6/3

Toshkent sh.

Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, вазирлик марказий аппаратида ҳамда вазирлик тасарруфидаги республика ва тизим ташкилотларида жорий йилнинг II чораги давомида ижро интизомига риоя этилишини таъминлаш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар ва навбатдаги вазифалар ҳақида

Вазирлик ҳайъати қайд этадики, 2023 йилнинг II чораги давомида Ўзбекистон Республикаси Президентининг 2021 йил 31 майдаги “*Ijro.gov.uz*” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарори асосида ижро интизомига риоя этилишини таъминлаш, ижро интизоми мониторингини ва ҳисоботларини юритиш, ҳамда жисмоний ва юридик шахсларнинг мурожаатлари билан ишлаш борасида муайян ишлар амалга оширилган. Ҳисобот даврида:

“*Edo.ijro.uz*” ижро интизоми идоралараро ягона электрон тизимидаги назоратда бўлган 517 та (ўтган чоракка нисбатан 364 та кўп) ҳужжат тўлиқ назоратга олинган бўлиб, шундан ҳисобот даврида 505 таси, яъни 97,6 фоиз (ўтган чоракда 97,0 фоиз бўлган) ҳужжатлар ўз муддатида назоратдан чиқарилган;

вазирликка келиб тушган ва тўлиқ назоратга олинган 2550 та ҳужжатларнинг 2521 таси яъни, 98,9 фоизи (ўтган чоракда 97,3 фоиз бўлган) ўз муддатида назоратдан чиқарилиб, 29 та яъни, 1,1 фоизи (ўтган чоракда 0,9 фоиз ҳужжат) вазирликда қабул қилинган йўриқнома ва ички тартиб-қоидаларда белгиланган муддатлардан кечиктириб бажарилган;

жами 12 та раҳбар-ходимларга шу жумладан, 3 та вазирлик марказий аппарати раҳбар-ходимларига ва 6 та тизим ташкилотлари раҳбарларига нисбатан ҳайфсан эълон қилинган, 3 та ходимга (3 та тизим ташкилотлари раҳбарига) нисбатан ўртача ойлик иш ҳақининг ўттиз (30) фоизи миқдорида жарима қўлланилган;

жисмоний ва юридик шахслардан 1167 та (ўтган чоракка нисбатан 713 та кўп) ариза ва мурожаатлар келиб тушган ва белгиланган тартибда назоратга олинган бўлиб, шундан 1048 таси, яъни, 89,8 фоиз (ўтган чоракда 87,5 фоиз) қонунда белгиланган муддатларда кўриб чиқилган ва натижаси бўйича мурожаат муаллифларига маълум қилинган ва 119 та яъни 10,2 фоиз (ўтган чоракда 12,5 фоиз) ариза ва мурожаатларнинг ижро муддати борлиги сабабли ҳозирги кунда ижросини белгиланган муддатларда таъминлаш чоралари кўрилмоқда;

Вазирлар Маҳкамаси томонидан тасдиқланган сайёр қабуллар режасига мувофиқ, вазирлик раҳбарияти томонидан жорий йилнинг II чораги давомида жами 5 та ҳудудда сайёр қабуллар ташкил этилиб, 114 та жисмоний ва юридик шахслар ҳамда уларни қонуний вакиллари қабул қилинган бўлиб, ушбу шахсларнинг мурожаатлари бўйича амалий ёрдамлар кўрсатилган.

Лекин, эришилган натижалар билан бирга бир қатор хато ва камчиликларга, ҳамда қоқоқликларга йўл қўйилган. Жумладан, 29 та яъни, 1,1 фоизи вазирликда қабул қилинган йўриқнома ва ички тартиб-қоидаларда белгиланган муддатлардан кечиктириб бажарилган.

Сув ресурслари ва сувдан фойдаланиш бошқармаси (Р.Камилов)да 8 та, Сув хўжалигида капитал қурилиш лойиҳаларини шакллантириш ва амалга ошириш бошқармаси (М.Қурбонов)да 2 та, Суғориладиган ерларнинг мелиоратив ҳолатини яхшилаш ва сув хўжалигини механизациялаш бўлими (Қ.Муратов)да 2 та ва Ахборот-таҳлил ва ресурс маркази (З.Ишпулатов)да 2 та ҳужжатлар вазирликда қабул қилинган йўриқнома ва ички тартиб-қоидаларда белгиланган муддатлардан кечиктириб бажарилган.

Юқоридагилардан келиб чиқиб, Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини сўзсиз таъминлаш, ижро интизомини янада мустаҳкамлаш борасида 2023 йилнинг II чораги давомида йўл қўйилган хато ва камчиликлар ва қоқоқликларни бартараф этиш ва келгусида бундай ҳолатларга йўл қўймаслик бўйича бошқарувнинг барча даражадаги раҳбар ва мутахассисларнинг ижро интизомига қатъий ва сўзсиз риоя этилиши юзасидан шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, вазирлик марказий аппаратида ҳамда вазирлик тасарруфидаги республика ва тизим ташкилотларида жорий йилнинг II чораги давомида ижро интизомига риоя этилишини таъминлаш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар ва навбатдаги вазифалар ҳақидаги ахборот ***маълумот ва ижро учун қабул қилинсин.***

2. Вазир ўринбосарлари, вазирлик марказий аппаратининг бошқарма ва мустақил бўлим бошлиқлари ҳамда вазирлик тасарруфидаги республика ва тизим ташкилотлари раҳбарлари томонидан Ўзбекистон Республикаси Президентининг 2021 йил 31 майдаги ПҚ-5132-сонли қарори ижросини таъминлаш, 2023 йилнинг II чораги давомида ижро интизомига риоя қилиш ҳамда жисмоний ва юридик шахсларнинг мурожаатлари билан ишлаш борасида олиб борилган ишлар ***талаб даражасида эмас деб топилсин.***

Ўзбекистон Республикаси Президенти ва Ҳукуматининг ҳужжатларда баён этилган кўрсатма ва топшириқларнинг ижросини кечиктириб бажариш, шунингдек, белгиланган муддатларда, тўлақонли ва сифатли таъминланмаслик ҳолатларидан тегишли хулоса чиқариши, шахсий масъулият ва жавобгарликни, ҳар бир ижро интизомига қатъий ва сўзсиз риоя этмаслик ҳолатлари учун ***интизомий жазо муқаррарлигини ҳис этган ҳолда фаолиятини ташкил этиши уқтириб ўтилсин.***

3. 2023 йилнинг II чораги давомида ижро интизомига қатъий риоя этмаганлиги ҳамда Ўзбекистон Республикаси Президенти ва Ҳукуматининг ҳужжатларда баён этилган кўрсатма ва топшириқларнинг ижросини кечиктириб бажарганлиги учун Сув ресурслари ва сувдан фойдаланиш бошқармаси бошлиғи Р.Камилов, Сув хўжалигида капитал қурилиш лойиҳаларини шакллантириш ва амалга ошириш бошқармаси бошлиғи М.Қурбонов, Суғориладиган ерларнинг мелиоратив ҳолатини яхшилаш ва сув хўжалигини механизациялаш бўлими бошлиғи Қ.Муратов ҳамда Ахборот-таҳлил ва ресурс маркази бошлиғи З.Ишпулатовларга ***огоҳлантириш эълон қилинсин.***

4. Вазирнинг биринчи ўринбосари (*ижро интизоми учун масъул*) А.Назаров, вазир ўринбосарлари Р.Қаршиев, Б.Камалов, Д.Ходжихмедов ҳамда вазирлик марказий аппаратининг бошқарма ва мустақил бўлим бошлиқларига:

Ўзбекистон Республикаси Президентининг 2021 йил 10 февралдаги “Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида”ги ПФ-6166-сонли Фармони ҳамда 2021 йил 31 майдаги “*Ijro.gov.uz*” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги ПҚ-5132-сонли қарорининг ижросини тизимли равишда ташкил этиш;

Ўзбекистон Республикаси Президенти ҳужжатлари ва топшириқлари бажарилишининг назоратини юритувчи “*Edo.ijro.uz*” ижро интизоми идоралараро ягона электрон тизимидаги назоратда бўлган ва 2023 йилнинг III чорагида ижроси таъминланиши лозим бўлган **яами 140 та**, шу жумладан, **июль ойида 60 та**, **август ойида 39 та** ва **сентябрь ойида 41 та** ҳужжатларда белгиланган топшириқлар ижроси юзасидан кунлик мониторинг ўрнатиш ҳамда топшириқларни белгиланган муддатда, тўлақонли ва сифатли қилиб бажарилишини таъминлаш;

Ўзбекистон Республикаси Президентининг Фармон, қарор, фармойиш ва топшириқлари, Вазирлар Маҳкамасининг қарорлари, фармойишлари ва (йиғилиш баёнлари) топшириқлари ижросини таъминлаш бўйича олиб борилаётган ишларни **вазирнинг биринчи ўринбосари ҳузурида ҳар ҳафта жума кuni** ва **вазир ҳузурида ҳар ҳафтанинг душанба кунлари** муҳокама қилиб, баён билан расмийлаштириб борилишини ташкил этиш;

қонунчилик ҳужжатлари ва топшириқлар бўйича амалга ошириш графикларининг (*назорат режалари*) тайёрланиши, тасдиқланиши ва ижрога қаратилишини ташкил ва таъмин этиш;

вазирликнинг 2022 йил 11 январдаги “*Вазирлик марказий аппаратида ижро интизоми янада мустаҳкамлаш тўғрисида*”ги 6-сонли буйруғининг ижросини сўзсиз таъминлаш, вазирликка келиб тушаётган барча ҳужжатлар, шу жумладан, Ўзбекистон Республикаси Президенти ва Ҳукуматининг ҳужжатлари, шунингдек, бошқа вазирлик ва идоралардан ҳамда жисмоний ва юридик шахслардан келиб тушаётган барча ҳужжатларнинг ижросини **5 кунлик муддатда** таъминлаш, агар ушбу муддатда бажариш имкони бўлмаган тақдирда ҳужжат ижрога қаратилган куннинг ўзидаёқ ижро муддатини узайтириш юзасидан вазирга таклиф киритиш бўйича белгиланган ички тартиб-қоидага қатъий риоя этиш;

Ўзбекистон Республикаси Сув хўжалиги вазирлиги ва унинг тасарруфидаги республика ва тизим ташкилотларида жисмоний ва юридик шахсларнинг мурожаатлари билан ишлаш тизимини такомиллаштириш бўйича Чора-тадбирлар режаси ижросини тизимли равишда ташкил этиш;

Ўзбекистон Республикаси Президенти ва Ҳукуматининг топшириқлари ижросини таъминлаш бўйича олиб борилаётган ишларни мунтазам равишда (**ҳар ой якуни билан**) таҳлил қилиб бориш, ушбу ҳужжатларнинг ижросини таъминлашга эътиборсизлик ва масъулиятсизлик билан ёндашаётган раҳбар-ходимларга нисбатан тегишли интизомий жазо чоралари қўллаш юзасидан асосланган хулоса ва таклифлар (*интизомий жазо чораси қўллаш юзасидан буйруқ лойиҳаси тайёрлаш*) тақдим этиш вазибалари юклатилсин.

5. Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, вазирлик тасарруфидаги республика ва тизим ташкилотлари раҳбарларига:

Ўзбекистон Республикаси Президентининг Фармон, қарор, фармойиш ва топшириқлари, Вазирлар Маҳкамасининг қарорлари, фармойишлари ва (йиғилиш баёнлари) топшириқлари ижросини таъминлаш бўйича олиб борилаётган ишларни **раҳбарнинг биринчи ўринбосари ҳузурида ҳар ҳафта жума куни ва раҳбар ҳузурида ҳар ҳафтанинг душанба кунлари** муҳокама қилиб, баён билан расмийлаштириб борилишини ташкил этиш;

қонунчилик ҳужжатлари ва топшириқлар бўйича амалга ошириш графикларининг (*назорат режалари*) тайёрланиши, тасдиқланиши ва ижрога қаратилишини тўлиқ назорат қилиш;

ижро интизомини мустаҳкамлаш, ҳужжатлар, шу жумладан, жисмоний ва юридик шахсларнинг мурожаатлари билан ишлаш, ижро мониторингини юритиш ва ижро интизомига қатъий риоя этилишини таъминлаш борасида олиб борилаётган ишларни **ҳар ҳафта якуни билан** аппарат йиғилишларида ва **ҳар чорак якуни билан** умумий йиғилишларда танқидий-таҳлилий руҳда муҳокама қилиш орқали Ўзбекистон Республикаси Президенти ҳужжатлари ва топшириқлари ижросини белгиланган муддатларда, тўлақонли ва сифатли таъминлаш бўйича барча даражадаги раҳбар-ходимларнинг шахсий масъулияти ва жавобгарлигини кучайтириш;

2023 йил III чорагида жойларда аҳоли мурожаатлари бўйича сайёр қабулларни ўтказиш бўйича тасдиқланган графиклар асосида сайёр қабулларни тизимли равишда самарали ташкил этиш;

ҳар чорак якуни бўйича аҳоли мурожаатлари билан ишлаш аҳволини танқидий муҳокама қилиш, мавжуд хато ва камчиликларнинг сабабларини аниқлаб, уларни зудлик билан ҳал этиш ва мурожаатларни кўриб чиқишда қонунбузилиш ҳолатларига йўл қўйган масъул раҳбар-ходимларга нисбатан жиддий таъсирчан чоралар кўриш;

аҳолидан келиб тушган мурожаатларни масъулият билан ёндашган ҳолда тезкорлик билан кўриб чиқиш, уларда қайд этилган муаммоларни ҳал этиш, такрорий мурожаатлар кўпайишининг сабабларини муҳокама этиб, такрорий мурожаатлар кўпайишининг олдини олиш бўйича аниқ чора-тадбирлар ишлаб чиқиш ва унинг ижросини тизимли равишда ташкил этиш;

ижтимоий тармоқларда кўтарилаётган муаммоли масалалар бўйича аҳоли мурожаатларини чуқур таҳлил қилган ҳолда, уларни тезкорлик билан ҳал этиш ҳамда оммавий ахборот воситалари орқали тезкор муносабат билдириш вазифалари топширилсин.

6. Мазкур ҳайъат йиғилиши қарори топшириқларининг ижросини назорат қилиш вазирнинг биринчи ўринбосари (*ижро интизоми учун масъул*) А.Назаров зиммасига юклатилсин.

Ҳайъат раиси



Ш. Хамраев